

## HAJ AUR UMRAH QURAAAN VA SUNNAT KI ROUSHNI ME

Disclaimer:

Arshad Basheer madani ke urdu books ko Roman English mai lane wale ahabab Mubarakbadi ke mustahiq hai ke unoun ne asan kia urdu reading Na janne Waloun ke liye

الحمد لله

فجزاكم الله خيرا

Note : arshad basheer madani ne Word to Word check nahi kia Kiunke bohot books ko roman Kia gaya un sab ko Check karna asan nahi, time ka commitment deegar Urdu books Aur syllabus par laga huva hai is liye badi mazirat ke sat arz hai ke jahan kahin apko pronounciation ya talaffuz mai Diqqat lage Urdu Janne Waloun se asal Kitab ki taraf rujoo farmaen in sha Allaah in sha Allaaah

Askislampedia ki Team ka shukriya ke Roman mai book lane mai madad faramee

Khas tour se

Riaz bhai , shaikh abdullah Umeri, faheem iqbal , Mushtaq ahmed Aur baz sisters bhi hain jo madad kie Aur kuch brothers bhi madad kie Likin ijazat nahi hai ke unka naam zikr Kia jae Allaah qabool farmae sab ki mahant

\*\*\*\*\*

Ameen

Shukriya

Shoba e nashro ishaat,

Askislampedia

Haj islam ke paanch arkaan me se ek aham rukun hai. Allah taala ka irshaad hai : Allah taala ne un logo par jo is taraf kisi raah paa sakte ho us ghar ka haj farz kar diya hai aur jo koyi kufr kare to Allah taala (us se) balke tamaam duniya se be parvaah hai. (Al Imran : 97)

Abdullaah ibn Umar raziiallaahu anhuma ne kaha ke Rasoolullaah ﷺ ne farmaaya, Islam (ka qasar paanch sutoono) par banaya gaya hai. Is baat ki shahaadat dena ke Allah ke siva koyi maabood bar haq nahi hai aur ye ke Muhammad ﷺ Allah ke Rasool hai. Namaz padna, Zakaat dena, Haj karna, Ramazan ke roze rakhna. (Sahi Bukhari : 8)

1. UMRAH KE ARKAAN
2. UMRAH KE VAAJIBAAT
3. HAJ KE ARKAAN
4. HAJ KE VAAJIBAAT

#### 1. UMRAH KE ARKAAN

1. Ihram baandhna yaani umrah me daakhil hone ki dil se niyyat karna. (Sahi Muslim : 1232)
2. Baitullaah ka tawaaf karna. (Sahi Muslim: 1275)
3. Safa va Marwa ki sayee karna. (Sahi Bukhari :1793)

#### 2. UMRAH KE VAAJIBAAT

1. Meeqaat se ihram baandh kar alfaaz ke zariye niyyat karna.
2. Saare sar ke baal katvaana ya mundvaana. (Sunan Nasayi : 2987, sahi)  
Note : Baaz ulama ke nazdeek ye arkaan me se hai.

#### 3. HAJ KE ARKAAN

1. Ihram baandhna yaani haj me daakhil hone ki niyyat karna.
2. 9 Zul hajjah ko zavaal ke baad maidaane arafaat me thaharna.
3. 10 zul hajjah ya uske baad tawaaf zyaarat karna.
4. Safa aur Marwa ki sayee karna.

#### 4. HAJ KE VAAJIBAAT

1. Apni rihaayish gaah ya meeqaat se ihram baandh kar alfaaz ke zariye niyyat karna.
2. 9 Zul hajjah ko maghrib tak arfaat me thaharna.
3. 10 zul hajjah ki raat muzdalifa me guzaarna.
4. 10 Zul hajjah ko qurbani ke baad saare sar ke baal mundvaana ya katvaana. (Baaz ulama ke nazdeek ye arkaan me se hai).
5. 10 Zul hajjah ko sirf bade jumrah aur 11, 12 zul hajjah ke din teeno jamraat ko ba tarteeb Allahu Akbar kah kar saat saat kankariya maarna aur 13 zul hajjah ki raat Mina me guzaarne vaala is din teeno jamraat ko kankariya maare.
6. 11 aur 12 Zul hajjah ki raat Mina me guzaarna aur 13 ki raat bhi Mina me guzaari ja sakti hai.
7. Tawaaf e vidaa karna.

Arkaan aur vaajibaat me farq :

Rukun ke baghair umrah ya haj mukammil na hoga. Jaan boojh kar ya anjaane me vaajib choot jaaye to Dam (bakra zibah karna) se uski talaafi ho sakti hai. Jisko hudood e haram me zibah karte huye fuqara e makka me taqseem kar diya jaaye. Haji khud us se kuch nahi kha sakta. (Muvatta Imam Maalik : 940)